

Die Brotzeit.

Deä Michl fährt am Vormittag
Den Strutz aus mit sein Jauchnfaß
Und stürt drin rum mit großä Plag
Und is vom Stürn scho tropfädnoß.
Deä Nachbä sicht des und er fragt
Worum er denn sich goä so plagt.
Do maant deä Michl ganz verdutzt:
Mei Kittl is nein Faß gerutscht."
Deä Nachbä will na tröstn halt:
"Dei Kittl woä doch scho so alt.
Wenns Fässl leer is, maan ich scho
Is aa dei Kittl widdä do!"
Deä Michl drauf:"Des weä net schlimm.
Im Kittl steckt mei Brotzeit drin!"

